

Con
CUM SUBORDINATO RISPETTO ALLA GENTILISSIMA SIGNORINA G.S. PROFESSORESSA

ED INSEGNANTE NELLE SCUOLE MEDIE DI SASSARI

Mi sento male, so meda affannadu
Reu mi rosso in su terrinu a mala-pena
Ma cando penso a tie si mi allena
Su dolore ch'in coro app'incarnadu,
Piango e sospire inconsoladu,
Pensende a tie passo vida amena.
Pro non soffrire sa tunba mi abelso
Ma cando penso a tie viver chelso.

Sempre in burrasca es custa vida mia
Che salva non bi arrivat a su portu,
Ma basta solu unu tou cunfortu
Pro torrare a su coro s'allegria;
Si non fit pro sa tua simpatia
Aia tantu bramadu d'esser mortu,
Ma bi ses tue potente guida
Chi a mie das salute, anima e vida.

(CIRILLO TRAVEZ)

AUGURI A DUE NOVELLI SPOSI

Ecco sa mezzu die de sa vida
Pro duos coros chi sun pro si unire,
Siat de mille benes arricchida
Sa vida ostra in su trattu avvenire;
S'Altu Deus bos potada assistire
Ogni ora, ogni attimu de sa ~~SSSS~~ ohida,
Maria cun Fransiscu umpare unida
Ignoren de su mundu ogni patire.

~~SSSS~~

Felice cogiu, su Deus de s'amore
Bos cherfesidi unire ambos umpare
Pro dare esempiu in sa Patria mia.

Fisu masciu bos diat su Sagnore
Chi siat in virtude un esemplare
E cumpletet in bois s'allegria.

(CIRILLO TRAVET)

PAESE DI TISSI

Es Tissi collocadu in d'un altura
De Fortuturre dominat su mare,
Est imponente e bellu de figura
Possedit largas vias pro passare;
Ha fertile terra, inue sa natura
Ogni fruttu bi faghet prosperare,
Dat binu onu e abba pro sanare
De Pandora ogni male ogni margura.

Possedis Tissi meu amena terra;
As fixas bellas, castas in s'amore,
Ses famosu pro su tou bonu coro.

Tue ses patria 'e Bertulu e Serra
E de Cherchi su celebre cantore
Pro cussu chi ti giaman "bidda coro".

(CIRILLO TRAVET)